

廣成集卷之十

上郡大清宮高皇帝廟制文章大德昭著世先履

李仇中丞奉命醮詞

伏以二象陶融三元生化裁成器物亭育群
方受命稟形上繫天府至於壽算遐促祿祚
短長立身有罪福之因行運有吉凶之數天
司地簡主宰無私臣伏恐三命五行或逢災
咎九星七曜或值陰臨陽有刑剋之期祿
算有凶衰之會又恐積生所犯冤債未除積
世所行通尤旋結常情因測神道難知非託
醮祈無由解謝輒因本命之日虔備香燭仰
玄象以披心對星壇而瀝懇敢希至聖俯鑒
丹誠三官落罪簡之文五帝削災妨之籍臣
宿瑕蕩滌積案銷平輟死北宮上生南極天
曹增祿司命延年眷屬和寧公私清泰即荷
衆聖之恩不任

張道衡常侍還願醮詞

伏聞垂象九天流光萬有帝車周運聖力遐
通載四海以無私福祥生而不宰惟祈必應
有願克從巨頌以大順二年遭逢危厄憂道

蹈大危甚履冰既難保於朝昏敢望全於形
命元元丹懇啟懇無門惟注念蒼穹冥祈玄
斗潛興大願冀贖深災果蒙大道鑒臨至真
通感再好生之澤開固極之恩獲洗罪尤盡
消寬展仰天慈而積感報玄造以無階旋屬
公役所拘道途無暇歲華累改誠願未申况
復水陸經過江山往復幾逢微擾頻值艱危
幸脫鋒鉞免罹凶橫皆承廣護倍切兢崇今
以本命之辰於玉局靈化詣北斗七元之殿
當玄卿大帝之前虔備醮壇恭酬往願昔所
許奉錢若干責請至今年八月五度奉納取
畢伏惟斗中衆聖玄府上司鑒領丹誠曲迴
鴻遠使宿願周備賜靈澤遐霽赦過除災延
祥介福年祿增益危厄銷平眷屬又安公私
貞吉即永荷斗極衆聖覆祐之恩不任

周庠貞外郎為母轉經設醮詞

伏聞三洞寶經九天真訣虛無疑悉混合成
文龍篆鳳章發跡香冥之始瓊編玉檢敷宣
天地之先大則制御乾坤保鎮劫運安軍林
曆昭祐帝王次則和揖五行調平六氣燭邪

度厄清物利人遵修則災咎可銷諷誦則積
祥可降臣等以母行年表厄疾苦所嬰憂懼
但深告祈無所敢憑玄聖披瀝丹心伏願勅
三寶威神命侍經察屬解五行刑剋却三命
凶衰增祿南天延生同契六府調理百疾痊
平永垂覆祐之恩克享遐長之福謹於玉局
化轉經設醮冥扣至真不任

莫庭又為張副使奉命甲子醮詞

臣聞天道無親輔茲有德功或及物福必無
滛富川安撫副使張琳奉主無私酬知盡節
初終一致雖風雨而不渝籌畫萬端規歲末
而彌勁頃以四郊多壘兩鎮稱兵物力將虛
經費逾廣厚歛則生靈必困薄賦則供億不
充出自良謀豐其軍食換糧山積戈甲雲屯
人不告勞物無失所益振疲弊之勢佇成弔
伐之功但以張某三命之中猶逢災厄二運
之內甲祿氣微天符臨受命之官土星逆怒
煩之位慮為長谷郵餐誠祈爰託皇壇希希
玄祐伏願十華降福三聖迴光錫喜貺於諸
天災殃自息蕩過尤於九府都算增延永俾

安寧共康藩屏巨情誠迫切胃濟高明不任

駱將軍辭詞

伏以二氣清凝表天地亨貞之道五材倚伏
荷乾坤成育之恩至於命籍短長標作豐薄
立身罪福行運吉凶莫不上自天司考資元
命主張考校巨細無遺巨竊慮列宿五行躔
次有照臨之咎九宮三命陰陽有厄會之期
以此憂兢恐成災厄今以立冬令節析福良
辰慶登丹誠精陳醮禮仰天關而瀝懇瞻地
府以冥心佇降恩慈曲流洪福使火凶殄息
過答蠲銷錫以嘉祥增其壽祿落罪書於北
府紀生籍於南昌眷屬安寧幽明康乂徊翔
天路長親日月之光棲息人寰永沐真靈之
祐不任

馬尚書辭詞

伏聞曆象推移運三元而成歲陰陽變化實
天道以宣功澤滂幽明事均今古其有弘仁
秉義體順和光則天錫楨符神彰吉貺或動
垂守慎志協回邪乃蹈彼艱虞兆苴否塞影
響之報理實昭然臣迫以庸虛早塵職祿雖

肅恭自立畏慎推誠常懷柔鶴之誠每懼維
鷄之誚况復訓者戎伍祇奉法垣錄鑄猶施
鈺鞞未息摧堅挫銳徒申檢討之謀故殺誤
傷慮構幽究之咎以首屬念深用真懷今則
秋帝考功地官校籍罪福咸舉查求無遺或

臣有塵忝之非有殺傷之過有六情之罪有
三業之辜有注訟未除有冤仇未釋事題黑
簿名挂陰曹乞垂悔謝之緣並降蠲銷之澤
俾其克勵得以自新至於宿曜垂災行年值
厄亦希超度獲保久安上祈九祖生天三塗
離苦飛沈運性生植無傷四方之戈甲早寧
萬戶之農蠶畢就俗閑誦誦野息氛埃咸歸
清淨之風大洽希夷之道虔修醮酌懇薦章
詞遙祝仙壇仰望真祐不任

馬尚書本命醮詞

臣以庸微叨承宿運謬奉職秩繼恭官榮統
御戎車兼行條令或剋收境邑除蕩奸兇外
禦寇仇內綏疲瘵而宴賓稿士須有軍傷去
弊誅邪必資刑律誠非徇已務切安人竊慮
斬決之間重輕有失傷殺之際故誤難明以

此憂惶恐貽譴責又慮臣行年三命或值凶
衰宿曜五星或逢臨照因其厄會遠履凶危
又恐九祖幽儀未蒙遷拔六親滯誠猶有拘
留錮長夜以魂驚念陰關而心懼思餐歸依
之懇仰申薦奉之誠輒憑本命之辰式備資

薰之力冥心靈化遐想寶瓊陳醮禮以肅恭
貢章詞而精禱伏冀玄元錫祐大道流慈光
開泉曲之庭詔下鄆都之府使九玄超度眾
苦蠲銷生神碧落之天旋影朱陵之洞福延
後嗣惠被宗親其有往世愆瑕無窮對咸
承懺懺並使和平乞巨罪簡落書生官注籍
災凶弭息祿算遐長兼祈福介川源澤單遠
近戈鋌早戢疢癘不生野復耕桑人歸富壽
洎乎沈潛異質漢漢殊庭同沐玄風感身道
域恭言虔丹懇永奉鴻慈不任

司徒青城山醮詞

伏以瀨氣漸凝羣山挺秀高拱宸極厚鎮坤
輿惟彼西南上通參井結靈瑞瑞含藏日月
之華疊翠堆嵐包括神仙之宅位榮眾獻秩
亞三山為天下之禍庭冠城中之勝槩崇臺

比立黃軒之秘跡猶存巨浸考分大禹之神功可親每彰符應以祐生靈頃屬雨澤論旬泉源空涌丹崖翠嶽雖傳隕祀之聲紺殿彤軒靡有震驚之變緬茲羣異益驗先靈巨叨荷殊恩膺茲重寄綏撫之能未著燒夢之懇常深恐巨過咎所招仙嶽降異常之兆災蒙所釀神峯垂警告之祥風夜省循若據冰炭莫展披陳之路惟虔禱謝之誠輒按明科恭中大醮庶蒙鑒祐以贖愆違不任

馬尚書本命醮詞

伏聞元化運行三才資始體乾坤而成象感陶煦以凝神由是懸命籍於天關繫生死於斗極其有行藏巨細舉措纖微八靈伺察以無遺十直考讎而畢至善功潛著則名列仙曹適目所彰則書編鬼錄用茲懇勸以導于人其惟本命主張校錄編思古旨實切稟修且猥以凡微曾無機畧唯奉公克已效命為時未展勞能累疊忝忝恭揣循增懼委任益深况封畿戈甲之餘龍詠捧蕪之後疲羸未復瘡痍未平撫之則濡沫纒通撓之則溝

隍甫及而厥司六邑務彼三農暑耨寒耕雖勤劬於人力有秋望歲殊即俟於天時但馨丹心願祈玄祐敢因本命之日虔申醮謝之儀所期真聖鑒臨福祥臻萃赦巨叨據之過獎巨肅奉之誠使鋒鏑早寧京坻有積人無疵癘之苦年祛水旱之虞俾巨九祖超昇三陰清晏其或宿曜運行之厄歲年刑剋之災淫刑濫賞之非故誤殺傷之咎並希昭祐普錫蠲消永普歸依以酬真貺不任

莫庭文青城本命醮詞

伏以稟氣分形上資玄化主算定根仰繫真曹巨伏恐履行之間或貽愆咎年運之內或遇災凶非仗神功難申懺悔千真鑒度備醮儀頃以此山嶽濟上司神仙福地洞裏之玉樓金闕塵俗難窺人間之古殿荒臺蹤基易變梁摧蟬蛻元落鴛鴦若無營算之與已雜蒿萊之徑某叨居宰宇竊備繕修既俾功庸仍中藻績圖五嶽九江之像貌河侯溪女之真爾穆覽旒旒羅珠翠如登貝闕似挹驪宮既輝煥於素壇益深嚴於玄德所冀少城

天府永賴休楨秋報春祈克承嘉祐敢因元命之日虔修讚祝之筵伏惟應念迴軒分靈降澤錫巨以增延祿算助巨以消解災凶兩地之骨肉安寧一境之牛靈蘇泰誓傾丹悃上副鴻慈不任

莫庭文青城甲申本命周天醮詞

伏聞妙本應期元精啓運三光分照萬有陶形圓清方濁之間適為主寄日域星躔之內各備職察大則司劫曆施張小則察人倫善惡有逾衡鏡無隱錄毫竊惟九室洞天羣真會府丹崖蕩日翠谷呀雲鸞旂之所往還霓節之所遊集叨膺宰宇獲詣仙山雖食菓苦心飲冰潔已功應無補過必彰彰聞況於咫尺之中敢問真仙之鑒更慮九辰行運三命推移福善不常災凶靡測拳奉素懇若履顛危輒因本命之辰載申祈醮之禮天衢地壤水府星宮咸罄血誠仰祈明祐伏乞解災釋過延脫垂祥壽祿惟增凶危自息已往則九玄開度見存則兩地安寧一境生靈同承福蔭兵車休駕封部無虞長欣靜謐之期永荷靈

真之澤不任

莫庭又九曜醮詞

伏以二象分華三元列曜司悔吝吉凶之契
操死生罪福之權主宰無遺幽明感繫臣自
惟凡昧風奉正真叨荷寵章獲泰位祿循涯
省分常懼於曠官恆物安人敢忘於勵已尚
慮動連恭慎日積愆瑕上瀆真靈潛貽厄會
又恐五星進退四曜運行或居身命之宮或
臨惡弱之位况臣今年天符臨於命卦木星
未出身官第二十宿中蝕神所歷小運行直
又值天羅竊憂禍過災生命衰祿薄按河圖
內品太玄秘文瀝懇貢詞披心備禮仰華蓋
儀舞之闕若對九芒瞻星辰日月之宮盡傾
丹款伏冀宸光下燭開昏晦而沈沈寔靈景
延暉碎禍幸而焚羅網使年齡克保品秩攸
昇一境之士庶康寧兩地之親緣安泰仙山
表覲人無瘵疫之傷靈府垂禎歲有京坻之
望唯虔素悃上答玄功不任

川主相公北帝醮詞

伏以七政上尊五靈玄老位司北極部制中

天至於地分吉凶天文災福五行六氣三命
九宮萬靈舒舒感歸考校日以兵戈既久殘
瘁逾年念彼生靈痛深肌骨敢因醮謁載登
祝祈瀝懇紫微扣心玄象實希憫鑒俯降禎
祥消沴氣於郊原退災星於井絡一川康泰
萬有昭蘇永戢戈矛惟新祿算九天霧卷重
披日月之光三蜀煙清再播雲雷之澤仰仰
荷帝君憫護之恩不任

川主相公周天后土諸神醮詞

伏以天府名區少城奧壤龍神福地天帝雄
藩豈以凡微叨茲臨鎮而謬分朝寄總此封
疆十載于茲日深兢懼但以粵初莅任便屬
艱難黃巾犯寨翠輿幸蜀行朝萬眾駐蹕五
年力盡扶天誠深報國功宣匡復以及迴鑿
其間有師立稱兵旣能竊發秀昇擁師於下
瀨郭琪奮臂於中軍咫尺乘輿震驚輦轂上
資睿武旁假神威相繼克平以安大駕感茲
靈祐常貯五誠今則時未底寧人方肆亂帝
車順動又幸陳倉中原有焚燎之災六合靡
晏寧之所雖誠深憂國志切巨君難申緝紹

之忠山川杳隔空扶表安之浹色銜無由緬
想神功必垂濟祚爰申醮禮仰冀靈通希迴
助順之恩共安天步少借官盈之力遠掃兇
渠復黃屋於上京延寶圖於萬葉椒漿之奠
水答明慈且不任歷懇披心虔請之至

葛仙山化醮詞

惟彼仙山鎮茲坤壤八十一洞分日月於地
中二十四峯縹煙霞於天際潛司罪福以統
生靈臣夙慕玄微早崇清靜躬逢聖日既叨
輔贊之榮夢想靈山常貯逍遙之志尚繁多
事徒鬱素懷今節及仲秋禮當均呈秩遞瞻翠
嶽杳隔紅塵虔備醮壇用申誠祝伏冀虎旗
龍旆速躡八極之宮鶴馭鴻駉聊降三仙之
駕歆秣薄禮錫以殊休俾稼穡有年凶災不
起幽明共福家國咸安比帝祚於崇岡續唐
年於劫曆必期修潔以奉靈光不任

川主九星醮詞

臣聞九元御極綜列宿於紫微七政垂光統
眾星於黃道指攝提而臨萬象運招搖而主
百靈生死吉凶咸繫司牧臣以受年之時此

月火星及暗曜星皆臨本命以茲戰悚恐
蹈災危敢以丹誠上祈玄祐慶修大醮備瀝
微衷伏惟九聖延慈乘帝車而降福七真垂
既迴构建以祛災二十八宿行藏皆資祥慶
一十二官分度永息屯蒙普勸忠赤之心以
答靈真之念不任

中和周天醮詞

臣以庸虛猥當大任極台衡之扶居藩屏之
崇雖傾捧日之心莫著匡君之績頃以四郊
多壘中國不寧戎馬載馳兵車尚駕或近臣
肆逆或遠鎮辜恩縹緲身巢初迴盤路又聞
薄伐再致省巡凡在人臣豈勝憤惋惟炷香
冥想望聖祖之貽休拜表祈真待陰兵之助
役果見偽王孽相連頭殲夷兇帥朱致繼蹤
斬誠緬惟幽讚更切明誠近又太一運行已
照蜀分五星移度或在身宮慮薄德所招即
凶災荐至常加惕勵罔敢違違寧遠有鄭君雄
韓球兩地結連遂與兵甲隔絕恩信凌犯聞
防殘掠生靈焚燒郡邑數州塗炭千里傷夷
憫此幽冤痛深骨髓且所以上祈至道明禱

真靈志先憂國憂人誠匪為家為己由是上
天悔禍大道降靈包藏者尋就誅鋤黨附者
皆從剪撲封疆繼靜凋瘵旋蘇韓球敗亡君
雄梟戮漸通道路將雪冤沈尚以艾刈之時
殺傷非一仰則好生之旨震悼何安俯嗟遊
岱之魂淒涼莫已是用疑神扣寂拜手歸心
陳謝恩謝過之儀瀝祝地祝天之懇庶析玄
聖曲鑿丹誠輝映清壇降流洪澤彌除愆咎
弭息災凶使生者又寧幽途開泰臣又聞眾
星拱極百谷朝宗蠢彼不庭敢違天道更隣
近境綿亘數州山寨相望久為兇逆欲恃其
蜂合蟻聚之勢仗鋤擾白挺之徒垂二十年
不肅唐化擬因揭旆之便將申破竹之功為
國誅奸與人除害重希神力克震靈聲鄭都
以三十萬兵常祛沴氣洞泉有二十五將潛
制妖徒正道殛邪神明助順敢緣斯旨再罄
赤心伏惟俯鑒奏陳克迴枯使昌蘆梓還
水無蛇豕之災草木藜林盡化鋒鋌之狀咸
知帝力主復王誦然後疇嘗竄城拜章鳳閣
破弓解甲歸馬休牛長諧魚水之歡克暢君

臣之道明明血懇大道鑒之不任歸命祈恩
屏營憤切之至謹詞

廣成集卷之十

第十

十三